

那文毅公奏議

那文毅公總統河南山東直隸軍務奏議卷二十九目錄

卷二十九

新鎮丁樂集之捷

中市所之捷

聶渡墨子村之捷

道口之捷

附恭謝

天恩

圍滑之捷

截剿桃源賊援

籌策攻城

附收撫被脅

那文毅公總統河南山東直隸軍務奏議卷二十九

上海市歷史文獻圖書館藏

男容安恭輯

新鎮丁樂集之捷

嘉慶十八年十月十九日會同叅贊大臣固原提督楊公遇春

奏為連次殲擒分屯附近道口各寨賊匪緣由恭摺具

奏事竊臣昨將暫駐衛輝杜賊西竄並催趨兵丁

軍火續經

奏明在案臣查大股賊匪屯聚滑縣道口等處滑縣在

道口西北高杞現在帶兵在濬縣堵截道口係賊

之正面現已分兵駐守惟衛輝在其西北在在與

太行山通路並無重兵恐其西竄是以臣卽由衛

輝進至新鎮現將道路探明日內卽行會勦若一

得道口便可進圍滑縣臣已札囑高杞將滑縣城

外雲溪橋下流關住使水勢增高賊匪不能西渡

並將連日探明地方道路草圖附呈

硃御覽臣連日心急如焚勢不能等候兵齊先將已到之固

原西安兵丁二千名交楊遇春於十七日星夜帶

赴附近道口之新鎮駐紮以當賊要且可就近探

勦分屯賊匪楊遇春行抵新鎮鄉民等呈報附近

道口之曹起營地方有賊分屯時出搶掠於十八

日派撥遊擊呂天俸馬光宇守備俞振海帶領兵

丁並嚮道鄉勇前往該處賊匪約千餘人一見官

殊

此等賊有何可畏

兵卽行分竄我兵奮力追捕殺賊二百餘人奪獲

大刀一把烏鎗十五桿三眼鎗六桿餘匪竄歸道

口旋又探得附近道口之周譚村馮莊羅家寨三

處賊匪合夥一處約有二千餘人鄉勇等得兵助

勢人人奮勇攻撲賊匪亦卽分竄帶領鄉勇之孟

大有孟大爇分投追捕殺賊二百餘人生擒張會

元等十四名餘匪已竄歸道口十九日臣那彥成

殊

已到營訊知賊匪畏懼官兵不怕鄉勇旋探知附近道口之丁樂集屯聚賊匪三千餘人勢甚凶悍遂令兵丁假扮鄉勇仍帶領嚮導鄉勇數百人於十九日黎明直逼賊巢賊匪誤認我兵爲鄉勇搖旗吶喊蜂擁前來楊遇春率領衝擊殺賊六百餘人活捉滑縣生員周鼎新等三人奪獲大旗二桿上寫巽宮伯劉伏榮離宮伯李存信奉天開道字樣又八卦大白布旗一桿小旗一桿上寫巽宮伯尙大興字樣又小尖令字旗七桿上寫師存智尙大榮陳長嶺字樣又小白旗二十六面上寫奉天

開道字樣餘匪亦竄歸道口訊據活賊供稱頭目  
馬魁曹治懶持械當先已被鎗傷斃此次嚮導鄉  
勇被傷數名兵丁亦有帶傷者容俟查明照例辦  
理所有生擒各匪現卽分別辦理此番連次勦捕  
實未能痛快臣愈加憤悶而此時人心已安進兵  
後路亦卽以次肅清臣亦不候兵丁軍火齊備一  
面飛催未到兵丁速來以爲後應一面嚴催藩司  
台斐音親到衛輝辦理後路一切一面卽帶已到  
現存之兵丁並札會高杞日內卽可進勦一得道  
口卽攻勦滑城四路兜圍無難卽克總期一二仗

卽掃除淨盡上慰

聖懷再京營兵於十四日到來臣已將健銳營之五百名

分撥在高杞營中謹

奏

嘉慶十八年十月二十二日軍機大臣字寄奉

上諭那彥成等奏殲擒分屯附近道口各寨賊匪一摺覽奏俱悉那彥成在衛輝遷延時日因奉嚴旨飭催始由新鎮進兵攻剿一經接仗卽斃賊一千餘人並稱賊見官兵卽行分竄可見此等烏合之衆毫無伎倆有何可畏而遲延不進耶該督等當趁此兵威速將道口屯聚



之賊悉數殲除賊匪犄角之勢已破卽合兵將滑城之賊併力圍攻該逆匪屯門浚濠爲負隅死守之計該督於進攻時用礮轟擊更爲得力開封省城存貯礮位甚多着該督卽調取來營以備攻具現在滑城爲首之賊係徐安憫當通飭將弁留心擒捕毋令遁逸其逆首李文成因腿受刑傷在滑城附近之李家莊養病該督卽分派將領設法掩擒就獲後仍遵前旨如傷不甚重派委侍衛官員嚴行鎖押解京盡法懲治該督等能於日

殊  
及遲正法

律供與

備重卽在軍營

內將道口滑城各處賊匪悉數剗平並將李文成徐安憫著名逆首全行擒獲卽由六百里加緊馳奏若得有

大勝仗仍用六百里馳奏此次那彥成等督兵勦賊得有勝仗因前此辦理遲延是以不加獎勵若能奮勉勦辦迅速成功再行降旨施恩

中市所之捷

嘉慶十八年十月二十一日會同叅贊大臣固原  
提督楊公遇春

奏爲迎頭截殺賊匪痛加勦捕情形恭摺奏

聞事編臣前將鼓勵鄉勇殺賊情形業已恭摺於十九日  
具

奏二十一日正在探明路徑擬卽與高杞通信三路進  
攻分投布置旋於是日巳刻探報道口屯聚之賊  
傾巢而出約有三四千人分東西兩路而來在中  
市所一帶村莊焚掠因思此等匪徒一經官兵接

殊

可據

仗勢必敗退逃竄先須截其歸路且道口距滑縣城僅止八里恐城內之賊潛出接應尤須防範

臣

楊遇春帶領馬步官兵抄往賊後截住退回之路設有後股接應之賊並可堵剿並派格布舍富僧德特依順保馬元等各領弁兵分路迎頭截剿慶祥帶領京營勁旅在南策應

臣

那彥成帶領副將張大振在正西策應賊匪一見官兵公然抗拒蜂擁而前格布舍馬元等率領官兵先用馬隊衝突鎗箭齊發前隊賊匪應手而倒後隊之賊仍復向前抵死抗拒官兵步隊繼進鎗矛並舉富僧德特

依順保等復率馬隊橫衝其中賊匪不能抵禦紛  
紛敗竄臣楊遇春又復迎頭截住痛加截殺自己  
至酉閱五時之久將弁兵丁勇氣百倍殺賊一千  
四百二十名生擒一百四十餘名逃出良民約有  
千餘人人人感激

天恩各歸安業其實係逆匪訊明後卽全行正法奪獲大

殊

甚

白旗十餘桿大礮二尊烏機礮三尊三眼鎗一桿  
刀矛器械不計其數時已昏暮未便窮追察探敗  
殘賊匪仍歸道口滑城兩處賊匪狡猾多端此次  
雖分東西兩路而出接聯俱有埋伏若非三分

投迎截幾中其埋伏之計此番雖經勝仗剿殺多名仍未痛快臣仍現商同布置擬仍分數路進攻仰仗

聖主天威可期尅期蒞事除將員弁兵丁分別獎賞記功

其官兵內有陣亡三人把總楊秀廷一名外委兵

丁二名容俟查明咨部請卹外臣等仍一面探聽

賊匪一有動作信息卽行趕剿以張兵威而寒賊

膽謹

奏

嘉慶十八年十月二十七日

奏<sub>臣</sub>前次

奏明將高杞所調之南陽兵丁撤歸原伍卽將溫承惠前囑湖北預備之兵丁三千名調來以補已撤南陽兵丁之數茲查內有鄖陽兵八百名<sub>臣</sub>伏思鄖陽地關緊要仍飛咨馬慧裕令其就近飭回本營以資彈壓謹

奏奉

硃批甚是

嘉慶十八年十月二十七日

奏<sub>臣</sub>昨奉

諭旨指示以李文成被刑後在滑縣城北李家莊養病

臣

前於十二日卽風聞該犯在滑縣附近村莊居住  
因密差訪探知該犯行踪詭秘或在李家莊或在  
蘇家莊不肯有一定住處昨又密探據稱業已入  
城查該犯受刑旣重滑縣一克必可就俘至徐安  
愰一犯亦據活賊供稱現在道口仍各設法務卽  
生擒以備解京謹

奏奉

硃批此二犯最要必得生擒

嘉慶十八年十月二十四日軍機大臣字寄奉



上諭那彥成等奏勦殺道口賊匪一摺覽奏俱悉此次道口之賊出巢迎拒者約有三四千人經該督等奮力勦殺共斃賊一千四百餘名生擒一百四十餘名並逃出良民一千餘人核計道口屯聚之賊除殲擒及投出裹脅者其餘敗殘賊匪爲數諒亦無多該督自趁此兵威進攻道口將賊匪殲滅淨盡即可併力圍攻滑城該匪等外無救援正如釜魚阱獸不難一鼓剗平前因該督辦理遲延是以降旨嚴飭該督此時若能將滑城屯聚之賊迅速肅除並能將逆首李文成徐安惻按名擒獲自應寬其既往之咎仍予施恩該督當勉之又勉至該

督所獲賊犯務須嚴切根究該匪等同謀逆黨除林清外其潛匿京城及附近者尙有若干著名爲首者尙有何人如有確供卽迅速由六百里具奏以便飭拏究辦現已降旨令廣厚暫留衛輝所有該督生擒賊犯並著就近分解郡城交廣厚一併研審具奏若逆首李文成徐安惻一經擒獲驗明傷不甚重卽傳旨派廣厚長慶二人迅速押解來京以備廷訊再摺內稱奪獲賊匪大礮二尊烏機礮三尊賊營中安得收有礮位並著於獲犯內嚴究來歷據實覆奏現在該督連得勝仗因前此進兵遲緩不卽加恩除打仗陣亡之把總楊秀廷着照

千總例賜卹外委兵丁二名著咨部議卹外其餘出力  
將領兵丁統俟收復滑城擒獲首逆大功告竣時秉公  
保奏再行渥沛恩施

聶渡墨子村之捷

嘉慶十八年十月二十五日會同叅贊大臣熱河都統高公杞叅贊大臣固原提督楊公遇春

奏爲連日分路勦殺賊匪情形恭摺奏

聞事竊

臣

那彥成於二十一日將道口分出賊匪勦敗後

連日察探該匪在道口地方挑挖深濠堅閉不出

不時遣其夥黨潛赴各村掠糧均經兵勇隨處勦

捕屢據獲賊供稱道口之賊意圖西竄其滑縣城

殊

內之賊現由道口搬運糧石欲爲負嵎死守之計

適高杞正欲與

臣

那彥成面商計期夾擊旋據探

報道口賊匪有渡河西竄之勢

臣

高杞卽率領叅

將張拱辰都司陳天壽等分帶馬步兵丁於二十

五日黎明趕緊前進其時

臣

那彥成亦已得信卽

分派將備帶領官兵馳往夾擊

臣

楊遇春由河東

帶兵直趨道口東面以防滑城接應之賊

臣

高杞

行抵聶渡見賊匪二千餘人正在搬運木板搭橋

欲渡一見官兵公然抗拒維時

臣

那彥成之兵趕

到兩面夾攻馬步齊進將賊衝爲兩截四散奔逃

副將張大振叅將張拱辰遊擊那祥署都司竇德

等用馬隊兜圍痛加

殺共計殺賊七百餘名落

水淹斃者三百餘名生擒三十四名奪獲大旗二

桿烏鎗器械無數餘賊仍退歸道口臣等親赴查

看節節挑挖深溝官兵未便深入當將浮橋砍斷

木板燒燬以絕其西竄之路查賊臣詭計多端現

在附近滑縣道口一帶村莊皆有埋伏賊黨以圖

牽制官兵後路臣那彥成先經派介遊擊馬光宇

呂天俸協同河南試用知縣孟配瞻所練壯勇防

護各村本日接據馬光宇等稟報二十四日有八

里營留固等處賊匪千餘人至墨子村一帶滋擾

伊等卽帶領丁壯并將官兵亦假扮鄉勇分投截

殊

勦殺賊五百餘名生擒十二名奪獲大礮二尊大旗一桿稟送前來除將出力弁兵壯勇分別獎賞并獲賊訊無要供立即正法外臣那彥成高杞現在面同熟商必須將附近各村屯伏之賊先行勦除以免牽制即可分路進攻道口然後併力收復滑城刻下馬瑜帶領富蘭閻俊烈在北路開州一帶堵截昨於二十三日殲擒潘章一帶賊匪九百餘名同興帶領多隆武等在東路一帶防堵嚴密賊勢已蹙無處逃奔不過踞守道口滑城苟延殘喘臣等悉心布置仰仗

天威定可一鼓蕲事上慰

聖懷謹

奏

嘉慶十八年十月二十八日軍機大臣字寄奉

上諭那彥成等奏連日分路勦殺賊匪一摺此次道口賊匪意圖西竄那彥成高杞楊遇春等於二十五日分率官兵馳往夾擊殲賊一千餘名生擒三十四名並將浮橋砍斷木板燒燬以絕其西竄之路所辦尙好賊匪聚集一處則我軍兵力易施現在滑縣城內之賊聚而不散並由道口搬運糧石以爲負嵎死守之計此正如釜



魚阱獸不難一鼓殄除惟此時道口賊巢尙未攻破賊  
匪已有西竄之意一切勦堵機宜最關緊要由道口而  
西卽漸近太行山麓徑路紛歧若賊匪一經竄入官兵  
勦辦又致費手那彥成等務須緊顧西面先攻道口將  
賊巢勦除則滑縣孤城無援卽可全力圍攻計日收取  
至其餘附近埋伏之賊欲圖牽制官兵後路自應分兵  
掃除遊擊馬光宇等在墨子村一帶勦殺五百餘名生  
擒十二名奪獲大礮二尊尙爲出力但賊營俱各帶有  
大礮何以官兵勦賊轉不用礮轟擊所有奪獲礮位正  
可用以擊賊倘礮位不敷昨曾降旨諭知開封府內存

貯礮位甚多該督等卽就近調取運送來營以備攻城  
之用

道口之捷

附恭謝

天恩

嘉慶十八年十月二十八日會同叅贊大臣熱河都統高公杞叅贊大臣固原提督楊公遇春

奏爲督兵會剿攻克道口賊巢恭摺馳奏事竊

臣

那彥

成前因道口賊匪欲渡衛河西竄值高杞赴

臣營

盤會商訂期夾擊當同楊遇春等三路截殺緣由於本月二十五日恭摺會

奏在案查賊匪退回道口之後悉力拒守并於附近村

莊處處理伏以圖牽制官兵

臣

那彥成先行分派

將弁分投偵探因賊匪詭譎多端若仍前三路進

兵惟恐被其牽制是以臣那彥成與高杞楊遇春等各分一路高杞由北而南楊遇春楊芳由南而北先飭總兵音登額遵

旨運送河南省城大礮於道口對岸之小河所預備轟擊并派慶祥格布舍抄截右路富僧德特依順保桑吉斯塔爾抄截左路馬元徐錕張大振等直撲中路接殺遊擊馬光宇呂天俸等徑撲滑縣各帶馬步官兵於二十七日卯刻分七路進發臣親自督率直抵道口沿途遇有埋伏賊匪俱經官兵追逐紛紛竄回道口臣立即催兵前進詎賊衆一萬四

五千人蜂擁抗拒先經音登額用礮轟擊其西南  
賊衆并力向前高杞帶領叅將張拱辰等奮力攻  
擊楊遇春楊芳迎頭勦殺慶祥格布舍等各帶京  
兵馬隊三面衝突臣指揮特依順保張大振等四  
路截殺鎗箭并發復用大礮轟擊賊始驚惶奔竄  
官兵儘力追殺於賊人挖掘濠溝處所飛越徑進  
乘勢突入道口痛加勦戮正當攻擊之時滑縣賊  
匪率衆一二千人前來救應經桑吉斯塔爾格布  
舍張大振等帶兵截回馬光宇呂天俸並候補知  
縣孟祀瞻率領鄉勇乘勢將滑縣南關焚燒賊匪

硃

天  
三  
道  
之  
長  
下  
下  
其  
日  
其  
身  
老  
老  
老

二  
二  
二  
二  
二

二  
三  
此  
大  
貴  
屬

不敢復出道口官兵將賊集全行燒燬自辰至酉

出力可嘉之至

共殺斃賊匪五六千人燒斃四五千人生擒三百

八十餘名訊據均係從賊日久打仗一二三次不

等皆曾殺傷兵勇并稱道口之賊艮卦的人就有

萬數別卦之人很多艮卦首先起事大頭目黃典

相李世玉坤卦大頭目馮相林呂國泰離卦大頭

目徐玉坎卦大頭目孔傅今日打散之後多在道

口民房內藏着後房屋被燒不知生死等語并餘

斃手執大白旗騎馬賊首十餘人內有身穿藍蟒

袍者一名奪獲馬匹器械旗幟無數其餘逃匿民

房餘匪除燒斃外俱經嚴查搜獲臣欽遵前奉

諭旨不敢妄殺無辜先經豎立良民旗幟招呼難民現在

殊

老弱男婦紛紛投出共計八九千人委員審訊內

有賊匪可恨冒充良民者三十餘人當同生擒回營訊

係真賊之犯一并正法其餘飭交地方官妥爲安

置至此次殺斃燒死賊匪多名內著名賊首諒必

不少實因專意剿殺天色已晚不及細查現在餘

匪俱皆竄歸滑縣城內查賊匪屯聚滑縣全恃道

口爲負隅之計抗拒官兵且爲直隸開州長垣東

明山東曹縣定陶零匪遁逃之藪今仰仗

皇上天威將士用命已將賊巢全行攻燬餘匪退據滑城  
賊膽已寒不過苟延殘喘臣惟當鼓勵鎮將倍加  
奮勉卽日統兵直抵滑城務期一鼓蕩事仰慰  
聖懷至在事出力員弁兵丁等另容查明請

旨獎勵

乾清門侍衛額勒精額手腿均被鎗傷巴圖魯侍衛哈

郎阿眉稍帶有鎗傷俱不甚重陣亡畧陽營遊擊

殊

參將列傳

楊連仲并滿漢弁兵傷亡者統俟逐細查明照例

咨部辦理謹會同繕摺由六百里加緊馳

奏



嘉慶十八年十月二十八日

奏臣於本月二十一日與楊遇春勦殺道口分竄賊匪情形一摺茲於二十七日奉到

廷寄

諭旨飭令臣趁此兵威進攻道口若能將滑城屯聚之賊迅速剪除並將逆首李文成徐安憫擒獲自應仍予施恩欽此臣詭竄之下曷勝感悚現在道口賊巢已經攻燬臣惟當鼓勵官兵即日克復滑城掃除邪匪安撫良民仰副我

皇上諄諄訓誡之至意其逆首李文成徐安憫二名臣刻

刻留心設法密加偵捕如擒獲時傷不甚重卽交  
廣厚長慶押解赴京恭候

廷訊又奉

旨飭令嚴究賊匪礮位來歷一節伏查節次獲犯供稱所  
有礮位俱係攻奪滑縣及山東曹縣定陶等處得  
來並非私鑄等供嗣後獲犯仍當嚴加訊究來歷  
斷不使稍有捏飾謹

奏

嘉慶十八年十一月初一日奉

上諭那彥成等奏督兵會剿攻克道口賊匪一摺道口賊

巢逆匪等盤踞日久負隅拒守與滑縣匪徒互相援應並在附近村莊各處埋伏以圖牽制官兵那彥成高杞楊遇春督率將領分兵七路於十月二十七日卯刻同時進剿沿途將埋伏之賊先行剿散賊衆蜂屯抗拒總兵音登額先用礮轟其西面高杞帶領叅將張拱辰乘勢攻擊楊遇春楊芳迎頭剿殺慶祥格布舍各帶京兵馬隊三面衝突那彥成督率特依順保張大振等四處截殺鎗箭並發復用大礮轟擊賊匪驚惶奔竄官兵等飛越溝濠直入道口正在剿戮之際滑縣賊匪率衆一二千人前來救應經桑吉斯塔爾馬光宇等帶兵截回

並焚燒滑縣南關賊匪不敢復出官兵遂將道口賊巢  
全行燒燬自辰至酉共殲斃賊匪一萬餘人生擒三百  
八十餘名並鎗斃執旗賊目十餘名奪獲馬匹器械旗  
幟無數現在投出難民有八九千人內有賊匪冒充良  
民者三十餘人俱經審明正法所辦可嘉之至那彥成  
高杞楊遇春親歷行間督率調度俱屬奮勉着加恩先  
行交部議敘并賞給那彥成四喜玉搬指一箇四喜牌  
一件玉鼻烟壺一箇黃辮大荷包一對小荷包二箇賞  
給高杞四喜玉牌一件玉鼻烟壺一箇黃辮大荷包一  
對小荷包二個賞給楊遇春四喜玉牌一件黃辮大荷

包一對小荷包二箇其各路帶兵大員著那彥成等秉  
公查明擇其實在出力者奏明賞給議敘其餘將領員  
弁著查明開列清單將應行升擢及賞戴翎枝者分別  
保奏候朕降旨施恩但必須超衆奮勇如飛越溝濠不  
避矢石者方准列入如侍衛額勒精額哈郎阿二人現  
俱受傷著歸入保奏之列毋得冒濫再發去鑲鑽翎管  
十箇玉柄小刀十把玻璃鼻烟壺五箇花磁鼻烟壺五  
箇分賞出力官弁一兩重銀牌五百面五錢重銀牌五  
百面分賞出力兵丁以示獎勵

嘉慶十八年十一月初一日軍機大臣字寄奉

上諭那彥成等奏督兵攻克道口賊巢一摺所辦甚爲可嘉已特降諭旨分別加恩矣摺內聲敘此次慶祥等率領京兵馬隊三面衝突從前健銳火器營官兵調赴川楚協剿時朕聞其頗不得力此次臨陣衝突其中自必有勇往出力者著那彥成等據實查明保奏數人候朕施恩令京營官兵聞知亦共知鼓勵但必須擇其奮勇向前者不可徇情冒濫此時該督已將道口賊巢掃蕩賊匪犄角之勢已被滑縣孤城無援該匪不過如釜魚阱獸卽當趁此兵威奮力進攻早淨巨寇以靖民生朕惟計日以待捷音之至也勉之望之

嘉慶十八年十一月初八日會同叅贊大臣熱河  
都統高公杞叅贊大臣固原提督楊公遇春

奏爲恭謝

天恩事竊臣等具奏督兵會剿攻克道口賊巢一摺本月  
初四日欽奉

上諭蒙

恩交部議敘並荷

賞賜四喜搬指玉牌黃辮大小荷包等項臣等望

闕叩頭敬謹祇領並蒙

頒賞翎管銀牌等項分給出力官弁兵丁當卽傳宣

恩旨分別賞給合營將士歡聲雷動無不感頌

皇恩踴躍百倍伏念<sub>臣</sub>等督師勦賊咸皆秉承

廟算仰仗

天威未建寸功正深惶悚茲道口雖已攻摧滑城尙未克

復<sub>臣</sub>等心急如焚恨不卽刻力擒巨寇掃盡邪氛

迺蒙

聖主懋賞有加

恩綸特賁沐

寵榮之逾格益感悚以難名<sub>臣</sub>等惟有督同鎮將鼓勵官

兵尅日收復滑城生縛渠魁殲除醜類務期早晚



戴功仰報

高厚鴻慈於萬一謹

奏奉

硃批覽

圍滑之捷

嘉慶十八年十月三十日會同叅贊大臣熱河都統高公杞叅贊大臣固原提督楊公遇春

奏爲官兵攻克道口勦殺賊匪直抵滑城現在布置圍

甚好

攻情形恭摺奏

聞事竊

臣等於本月二十七日督率官兵攻克道口賊巢

卽於二十八日由六百里加緊馳

奏在案查道口長有八九里街道曲折敗殘餘匪逃匿

民房者雖被官兵用火燒斃一時未能淨盡

臣等

於二十八日黎明又復嚴加搜捕尙有餘匪四五

百人當卽撥兵勦殺餘匪拚命逃回滑縣縣城之賊閉門不准其進城官兵正在追擊未及二三里復有縣城東偏之桃源賊匪三千餘人前來接應當經臣高杞率領官兵自東而西兩路夾攻賊仍抵死抗拒桑吉斯塔爾格布舍楊遇春楊芳等各帶馬步官兵縱橫衝突鎗箭齊發賊始紛紛敗竄計臣那彥成一路殺斃賊匪三百餘名高杞一路殺斃賊匪二百數十名餘匪竄回桃源其道口餘賊臣等儘力追逐直抵滑城詎城內之賊復出五六千人公然抗敵官兵乘勝直前先用馬隊衝突

該匪前隊折回官兵趁勢追擊復斃賊匪七八十

人賊衆退回城內維時官兵前後各隊均已直逼

城下正在劄營賊匪復由西北二門突出每門約

有二三千人分投直撲官兵不能劄營臣等一面

督兵截殺一面安劄營盤隨將賊匪趕退入城立

將東西南三門嚴密堵住惟正北及西北兩門現

在尙未能堵住查滑縣周圍數里城郭堅固統計

現在兵數攻賊則有餘圍城則不足臣等正在焦

急計前調山西兵一千名陸續到齊擬卽分別派

撥上緊攻取臣等既已直抵滑縣恨不得滅此朝

硃

硃

食卽另行設法趕緊克復斷不敢圍而不攻稍延  
時日仰塵

聖懷滑城一破賊膽已碎卽使有零星逃竄之賊盡力追  
殺亦無難淨盡再臣那彥成與高杞於二十八日

親赴道口查驗已斃賊匪該處屍骸枕藉盈街滿  
屋實因官兵進攻道口之時注意勦殺莫辨賊首  
賊夥屍身均已糜爛實無從查驗現在臣等惟當  
加緊圍攻務擒首逆容後有續到之兵卽再分撥  
尅期撲滅諒此釜底遊魂亦斷不能再稽顯戮謹

奏

嘉慶十八年十月三十日

奏

臣

那彥成前經奏撥湖北兵三千名赴豫協剿嗣接

馬慧裕覆稱以

臣

未經抄錄奏稿移知未卽發兵

旋因剿捕緊急

臣

核計若俟湖北兵到恐致遲悞

業經飛咨馬慧裕吉林泰將兵停止無庸赴豫至

前次續調陝甘官兵未蒙

恩允惟

臣

一面奏明一面先經檄調約計前項官兵已出

潼關不日卽可到營此二千官兵卽可抵補停止

湖北三千之數現在圍攻滑城正當萬分喫緊之

際一得前項官兵協剿更可期迅速蕲事謹

奏奉

硃批甚好

嘉慶十八年十一月初三日軍機大臣字寄奉

上諭那彥成等奏官兵攻克道口後勦殺賊匪直抵滑城  
現在布置圍攻一摺所辦甚好道口攻克後餘匪尙有  
四五百人復經官兵搜戮零星竄回滑縣官兵乘勝追  
擊先將桃源接應之賊截回追抵滑城城內賊匪兩次  
出城衝撲俱經官兵擊退現已將東西南三門嚴密堵  
住惟正北西北兩門尙未堵合看來賊匪勢已窮蹙此  
時緊要機宜必須四面圍定方可併力進攻切不可於

硃

西北正北兩門未經堵合之先率行攻打致留賊匪奔竄之路若賊匪突圍而遁必係緊要頭目悉其精悍乘間奔逃其老弱無用者始棄之城中設官軍圍堵不嚴致有名賊目戰手悉行免脫克城之後僅捕戮餘匪甚

乾隆年

或多殺難民充數則收復空城於勦捕大局何益本日

聞庫庫兩處只在城之

同與奏沈洪一路官兵經那彥成調赴大營東省兵備

空虛現在訊據賊供有河南官兵甚多賊目朱成貴等仍欲撲回山東之語此時同與處防守之兵祇有二千四五百名甚為單薄若那彥成等不將滑縣賊匪就地殲滅倘賊匪乘虛竄往東省豈那彥成等又提數萬大



兵移營東省另行籌辦乎此時陝甘官兵據奏已出潼關日內即可到營正可補北面圍兵之不足那彥成等惟當督率將士合圍嚴密使賊匪無路遁逃先用大礮毀其垣壁我兵奮勇先登即可將逆賊首夥或殲或擒一鼓全行掃蕩卽若遲數日朕亦不降旨飭催若使滑城之賊再有散竄則惟那彥成等是問至現在緊要賊目俱已聚集滑城著那彥成等通諭將士於克城之日如李文成徐安惻馮克善牛亮臣四犯必須按名擒獲擇其傷輕者二犯解京預備廷訊其傷重者卽在彼處訊明正法錄供具奏

截剿桃源賊援

嘉慶十八年十一月初四日會同參贊大臣熱河都統高公祀泰贊大臣固原提督楊公遇春

奏爲督兵堵截滑城及剿殺桃源一股賊匪淨盡情形  
恭摺馳

奏事竊<sub>臣</sub>等督兵攻克道口賊巢直抵滑城及布置圍攻情形已於十月三十日會同具

奏在案查滑城共有五門其東西南三門已經派兵堵截惟正北及西北兩門尙未堵住<sub>臣</sub>等正在趕緊設法間先於二十九日酉刻桃源之賊二百餘人

欲圖入城接應城內亦出賊千餘人兩相接應時

可恨

已昏黑經官兵從中奮力堵截賊匪始各退回官

兵乘勢攻城詎城上賊匪鎗礮亂發未能得手迨

三十日黎明桃源賊匪一千數百人復圖進城拚

命冲突滑城北門又出賊二千餘人接應外賊官

殊

兵兩面截擊十分喫緊當經

臣楊遇春同

乾清門侍衛額勒精額侍衛哈朗阿並格布舍富僧德

帶同各侍衛等直前衝殺賊匪抵死不退官兵鎗

殊

箭齊發自辰至申殺斃賊匪一千餘人好生擒二百

餘名餘剩數十零匪竄回桃源其出北門接應之

賊經

臣

高杞同特依順保馬元楊芳副將張大振

遊擊祁祥等各帶馬步兵丁迎頭堵剿殺賊匪一

百四五十人生擒十九名餘匪退入城內官兵進

至北門復被城上鎗石抵住官兵乘勢屯劄北門

并將北郭縱火焚燒查此次桃源一股賊匪已經

官兵痛加剿戮無餘滑縣賊匪其膽已寒現在西

北一門續經官兵堵住惟餘北門一門賊匪專力

拒守鎗礮亦多現計兵力實尙不敷布置

臣

等

夜籌維萬分焦急惟有盡心竭力設法圍攻一經

得手無論賊首賊夥悉數殲除斷不使一名漏網

大功便可告竣所有生擒賊匪訊無要供當卽分

別正法此次攻城打仗官兵實屬奮勇陣亡前鋒

殊

營前鋒校岳王保一名其餘兵勇因攻城甚近傷

加等勳卹

亡亦有數十名容俟查明咨部辦理再臣等前奏

分路勦殺道口賊匪情形本月初一日奉到

上諭伏查道口賊巢已經攻克陸續馳

奏在案至奉

旨以官兵奪獲礮位正可用以擊賊倘礮位不敷卽就近

調取開封城內存礮以備攻城等因仰蒙

皇上指示周詳曷勝欽佩臣等查官兵節次奪獲賊礮除

不堪用外餘俱挑選派撥卽用以打仗擊賊前此  
攻克道口時總兵音登額在小河所轟擊之礮卽  
係遵

旨由開封運來者現復准方受疇迎送大礮八尊不日可  
到此時攻城緊要卽可用以轟擊謹

奏

嘉慶十八年十一月初六日軍機大臣字寄奉

上諭那彥成等奏督兵堵截滑城及勦殺桃源賊匪淨盡  
一摺所辦甚好其另摺保奏出力各員已明降諭旨分  
別加恩矣此次那彥成等將桃源一股賊匪盡數殲除

卷二十一 年二十一 三十一

其西北一門續經官兵堵住該匪等外援已絕正如金

魚阱獸苟延殘喘現當功屆垂成之際該督等更應計

殊 因朕病弱 兵須嚴密防守 盡文弗懈 如過風冷加併留心

出萬全毋稍疎懈目下緊要機宜惟在圍堵嚴密不令

該匪一名竄出即少須時日朕亦不加催促閱該督所

奏兵力尙不敷布置已降旨飭知托津將吉林黑龍江

一省勁兵令其全數赴豫併力攻剿並諭令章煦沿途

迅速催督俾令尅期至營該督等俟此項官兵到後以

大礮毀其樓櫓督率勇銳奮力先登即擒縛渠魁蕩除

餘孽一鼓成功也勉之望之

籌策攻城

附收撫被脅

嘉慶十八年十一月初八日會同叅贊大臣熱河都統高公杞叅贊大臣固原提督楊公遇春

奏爲連日圍堵滑城及酌籌攻取情形恭摺奏

聞事竊<sub>臣</sub>等將堵截滑城及勦淨桃源一股賊匪緣由於本月初四日會同馳

奏在案查附近滑城之東北一帶除桃源外如留固集八里營王家道口等處均已屯聚賊匪屢圖接應內賊牽制官兵是以西北一門續經撥兵堵住而正北一門城內城外之賊匪兩下衝突城上矢石



如雨兵丁屢有傷亡急切未能堵合臣等會同籌

議必須先將外賊殲除杜絕內賊之接應孤城無

援官兵一面堵住正北一門便可尅期攻取當卽

撥派將弁帶同知縣孟屹瞻所領鄉勇分投探剿

先後殲斃留固集八里營賊匪共計八九百人生

擒賊目史永固等六名夥賊二百餘人又拏獲女

賊目宋張氏一口均非著名賊目當卽審明正法

其附近濬縣之石佛鋪一帶復經長慶富僧德徐

銀等督率兵勇剿殺賊匪一百餘名生擒賊目何

派新等四名亦卽訊供正法投出被脅民人趙玉

典等七名訊明安插又據留固集八里營等處投  
出民人王學志等三百二十五名均經欽遵

恩旨免死釋回現在另招具

奏外連日各莊民人多有縛賊解送者又有城中居民  
絕城投出者訊據供稱賊匪心疑百姓應官恐我  
等投出管束甚緊今乘便繩下投生等情臣等察

看情形賊匪外援已絕內潰必生現在竭力布置  
務將正北一門續行堵住并分派鎮將四面合圍  
嚴加防截一面開挖壕溝遍排鹿角以杜賊匪竄  
逸之路查省城前解之礮位八尊尙不甚巨茲方

受疇續解到大礮二尊<sub>臣</sub>等親驗實足以摧堅致遠現於城垣就近處所建築礮臺擬先將城垣轟倒數處官兵即可從此突入掃穴擒渠即在早晚所有著名賊目或擒或殲斷不使一名漏網即有餘匪突圍而遁亦必跟踪緊勦十餘日內務期掃淨邪氛滑城一得大功即可告竣此外各處零星無多不難悉數搜捕<sub>臣</sub>等惟當督令鎮將鼓勵官兵爲一戰成功之計現在欽奉

上諭飭令合圍嚴密一鼓蕩平即若運數日亦不降旨飭催仰蒙

睿畫周詳

恩施逾格臣等同深感悚萬不敢因奉

旨稍寬期限致有遲延再托津奉

旨赴開州東明一帶堵剿賊匪現在滑縣之賊十分窮蹙  
誠恐剿散餘匪向北逃竄開州等處官兵不敷分  
撥應請

旨將吉林官兵分撥五百名黑龍江官兵分撥五百名交  
托津以備堵剿其餘吉林黑龍江官兵一千名如  
能迅赴滑縣軍營於現在圍剿喫緊之時更爲得  
力謹

奏

嘉慶十八年十一月十一日軍機大臣字寄奉

上諭那彥成等奏連日圍堵滑城及酌籌攻取情形一摺滑城五門已堵其四其在外應援之賊又經那彥成等撥派將弁同地方義勇分投探剿將留固集等處賊匪先後殲斃一千餘人生擒賊目史永固何泳新女賊目宋張氏及其餘夥匪二百餘人難民紛紛投出現在官軍復開挖溝濠遍排鹿角於近城增築礮台以備轟擊辦理俱各嚴密賊匪外援已絕料日內滑城定可攻克惟那彥成等摺內稱滑城一得大功即可告竣則尙未

將大局通盤籌畫此次逆賊與三省邪匪不同三省邪匪不過在外省滋擾此次逆賊蓄謀多年敢於潛入禁城計圖內外互應其同教黨與散布各省者不少陰謀勾結甚爲叵測若不剷除萌孽慮滋後患現在各處謠言雖難盡信然不可不慎密防範即使滑城收復如太康縣之趙得隴盱眙縣之周泳泰皆未定其有無蠢動馮克善前往德州糾人李文成聞向開州竄逸今日山海關擊獲逆犯邢愾安又供有離滑縣二百餘里西山之內尙有白蓮教大頭目王倫之語那彥成亦卽就近派員確查看來伏而未動之賊尙實繁有徒一時不能

碎

於此兵燹

輕議撤兵設使大兵既撤之後逆黨再有滋擾彼時徵兵調將不特糜費既多且恐遲悞事機那彥成等既克滑城後當遵照前旨先將火器健銳二營官兵交原帶將領凱撤其餘各省官兵暫緩撤歸吉林黑龍江官兵更須後撤彼時確探太康盱眙德州開州西山等處如有成股賊夥應行勦捕者那彥成卽與高峴楊遇春公同商酌各分一路前往勦辦將所統領將巴圖魯侍衛及滿漢馬步官兵三路均分各自統率伊三人皆可獨當一面總俟查明各處實無蠢動情形再議班師設克城之後竟圖草率完結將來遺燼復燃不但不錄伊等

之功俱尙不能逃罪也誼切同仇豈可草率勉之

嘉慶十八年十一月初八日

奏<sub>臣</sub>等前奉

係諭旨以賊首李文成在滑縣被刑後於城北李家莊養傷  
等因當經差訪該犯行踪詭秘或在李家莊或在  
蘇家莊等處嗣又探聞業已入城並無一定踪蹟  
經附片覆

奏在案<sub>臣</sub>仍時時留心又復派差密探及於生擒賊匪

味內逐一研訊僉供滑城卦主是李姓不知其實在  
的名有稱李文成者有稱李四木匠者并有稱李



殊

殊

可恨

X

〇二二

三

文成卽係李四木匠者詰問該犯家口止有一妻  
一子一女其逆首聞係劉姓李文成過繼爲子并  
稱十五歲十八歲及十一歲不等亦均未見面等  
供現又訪聞李文成於十月二十左右曾在四間  
房藏匿迨官兵攻克道口時帶同賊夥數十人并  
家口打仗之日該犯震懾兵威先期逃竄似亦事  
所必至但該犯詭譎異常行踪無定或竄往他處  
或仍匿城中均難料定臣惟當嚴飭領兵大員於  
克復滑城時務將該犯生致以備解京正法倘或  
殲斃亦必詳細辨認據實奏

聞一面仍於滑潯各村莊嚴密偵捕又密派幹員跟踪查拏以期必獲該犯既有潛竄開州一帶之信並飛咨托津章煦同興等一體密速查拏斷不使有漏網謹

奏奉

硃批嚴緝務獲勉之

嘉慶十八年十一月初八日

奏<sub>臣</sub>等前奏圍攻滑城布置情形一摺於本月初六日奉到

上諭此時緊要機宜必四面圍定方可進攻切不可於西

北正北兩門未經堵合之先率行攻打致留賊奔竄之路一節臣等遵凜

聖訓所有撥兵嚴堵北門之處已於現在摺內奏明又奉  
上諭若賊匪突圍而遁必係緊要頭目設圍堵不嚴收復

空城於緝捕大局何益臣等惟當督兵嚴加圍堵克城

之日務擒賊目戰手萬不敢僅復空城虛冒首功

至陝甘官兵不日到營即可補圍兵之不足布置

一經周密先用省城續解大礮轟擊城垣卽令官

兵奮勇先登卽可期一鼓而下至李文成徐安愾

及祝現等八犯務在生擒解京正法如臨陣殲斃

硃 硃

亦必詳細辨認始行具奏不敢稍有含混又奉

上諭同興奏沈洪一路官兵經臣那彥成調赴大營同興

處防兵二千四五百名甚爲單薄一節臣已飭沈洪將

硃

原帶官兵一千名儘數帶回并囑其向東明一帶

其合機宜

沿途搜捕仍回東防堵是該省守禦正可不致空

虛謹

奏

謹按嘉慶十八年十一月十一日廷寄內奉

上諭那彥成奏稱飭令沈洪帶兵回山東防堵一節甚合  
機宜封邛逼近黃河已有旨諭知方受疇加意防堵矣

嘉慶十八年十一月初八日

奏爲被賊畏脅入夥現在棄械投出之民人奏明遵

旨辦理事竊臣督兵勦賊前奉

上諭有被賊畏脅勉強隨行者如果悔罪投誠先期解散  
逃匪或手無器械自投者皆當免其一死不得妄加誅  
戮欽此仰見

聖主宥罪施仁網開一面至意臣欽遵宣布並諄囑帶兵

將領傳諭官兵義勇等一體遵照自大兵攻克道  
口賊巢已破嗣後勦淨桃源股匪圍攻滑城軍威  
壯盛早晚肅功連日以來村民多有縛賊投送者

茲據留固集八里營等處投出滑潯二縣民人王起志于學能等三百二十五名即飭委員隔別研訊據供均係滑潯所屬鄉民自賊匪滋事即被賊目謝玉泰先後擄去分給旗幟器械派撥在前打仗名爲馬前到有不從者立即殺害無奈隨行屢欲投奔大營因賊人管束嚴緊不能得便昨因官兵打破道口賊目聞知害怕初三日賊夥四百人散去剩下謝玉泰同賊夥四十餘人在八里營王家道口保護家口初四日謝玉泰不知去向我等憤恨已久乘便將賊人家口十三四人放火

硃

硃

燒斃各帶家口及餘存糧食衣服等項裝載車輛

殊

在此一節良民無從

逃出赴營并將賊給旗幟刀矛一百三十餘件呈

繳次只求免罪等情反覆究詰僉供如一查驗三百

二十五人中內有八九十人均係老弱該民人隨

帶家口一同投出其非詐降可知臣復親提訊問

實係被賊裹脅勉強隨行現在棄械投出悔罪籲

求自應欽遵

上諭免其一死先令委員執持良民黃旗押帶該民人等

繞城數匝大聲傳播令城上賊匪見之解散黨羽

一面發交地方官查明造冊釋令各回本處俾安

生業該民人等仰荷

天恩無不叩頭零涕同聲感激其中另有精壯二十餘名  
情願隨營出力臣已分撥各將弁嚴行管帶許其  
殺賊自効查附賊之人紛紛投出實係震懾兵威  
事機極爲順利日內如有被賊裏脅棄械投出者  
惟更當留心察看一律查辦謹

奏

謹按嘉慶十八年十一月十一日廷寄內奉

上諭又據那彥成等另摺奏被脅民人棄械出投一節此  
次投出潛滑難民三百餘人既將刀矛等一百三十餘



卷二十一  
三

件呈繳其爲良民自屬可信但賊匪詭譎伎倆安知不於難民中混入數人甚至有名賊目亦在其內不可不防著那彥成於賊營投出民人務派員逐一詳細盤詰不可憚勞致有疎虞其所請稱隨營出力之難民二十餘名撥令將弁管帶殊可不必此等民人與本地義勇不同卽不疑其爲匪亦何必置之肘腋仍飭令各自散歸爲妥

嘉慶十八年十一月初八日

奏現接副都統色爾袞來信帶領頭起吉林官兵已抵宜溝查宜溝距清縣甚近查托津一路兵力尙單

現已專弁前迎囑令色爾袞將現到官兵先行帶  
交托津以資堵剿並咨明托津謹

奏

嘉慶十八年十一月初八日

奏現接百齡來信據稱曹縣大寨集須兵防守查沈洪  
原帶來兵一千名臣現已

奏明飭令儘數帶回山東以資防堵并囑沈洪向東明  
一帶沿途剿捕零匪仍回東省在案頃據封邱縣  
稟報本月初六日有長垣賊匪二千餘人竄入封  
邱之劉光集一帶臣當卽派令富僧德特依順保

及遊擊馬光宇帶兵馳赴剿捕并令沈洪順途協  
剿此等賊匪奔竄無常不過適應滑城之賊以圖  
牽制大兵位已囑富僧德等痛加剿殺務盡餘氛  
斷不致令滋蔓又附近濬縣之白茅莊一帶賊匪  
據徐銀稟報會同富僧德兩面夾擊殺斃一百數  
十名生擒賊目張法宗及賊夥四十七名另行解  
審餘匪退入莊內官兵縱火焚燒斃賊無算位復  
飭嚴加搜捕是白茅莊一路賊匪可期盡數撲滅

謹

奏

嘉慶十八年十一月初十日軍機大臣字寄奉

上諭自初六日接據那彥成等奏報之後又已數日未據  
續報軍務情形聞該督等已督率官兵於滑城外設立  
架木城挑挖溝濠併力合圍此時朕並不降旨飭催該  
督等務布置周密俟吉林黑龍江官兵到營攻克滑城  
亦不爲遲總須將賊匪悉數殲擒一舉竣事斷不可致  
令旁竄追奔逐北又延時日此爲最要攻破滑城後擒  
獲賊犯先究首逆李文成徐安懣馮克善牛亮臣四犯  
下落按名捕獲擇其傷輕者二名解京傷重者在彼正  
法其在京滋事之要犯祝現劉第五劉呈祥董博望等

滋事潛逃已經兩月諒必投往人夥著於克城後向活賊嚴追一經就獲全數解京並著於擒獲該首逆時嚴究此外夥匪尙有何人如太康縣之趙得隴等盱眙縣之周泳太等是否同夥詳切根究以憑勦辦所有飭拏各犯設有臨陣殲斃者亦必訊有切實的証毫無疑義一面戮屍梟示據實奏聞不可率據稟報稍有含混至收復滑城大功告竣應行撤兵時著先將健銳火器營京兵令原帶之員分起撤回彼時托津亦卽督同回京其吉林黑龍江官兵儘可暫緩現在尙有飭拏之太康縣匪徒趙得隴等及盱眙縣之周泳太等該督此時先

派人前往確探若該匪等不過伏匿賊犯地方官能迅  
卽弋獲固屬甚善倘有蠢動情事正當趁此兵力速爲  
勦辦著該督於滑城克復後確探消息若有一處滋事  
該督等卽統率全師前往勦除毋令滋蔓倘太康盱眙  
二處皆有糾衆抗拒情事那彥成高杞二人分投勦捕  
其提鎮大員侍衛巴圖魯及吉林黑龍江並各省綠營  
官兵着各分一半迅速帶往尅期剷滅毋致大兵全行  
凱撤又勞征調如該二處悉就寧謐那彥成於功成後  
來京復命就近再赴直督之任

那文毅公總統河南山東直隸軍務奏議卷二十九